

جلری : احمد ناج بن
و یعقوب کمال

واعتصموا بحبل الله جميعا ولا تفرقوا . . .

مدیر مسئول
عنان جردی

آبونه بدلی
۳ عثمانیه ایچون
۵۰ غروش
آیلفی ۲۵ غروش :

سیه ایچون سنه لکی
آئی آیلفی ۳ روبله
ممالک اجنبیه
۱۲ آئی آیلفی
۶ فرانقدر .

تغلا مسلمان

وجہ ما نا کم شعوبا و قبائل لتعارفوا . . .

دینی سیاسی تاریخی فلسفی و احوال عالم اسلامده باصت هفته لوقه مجلہ در
تاریخ تاسیس ۳۲۸ مولد النبی

جلد ۱

۱۶ ایلول ۳۲۶

پنجشنبه

۲۵ رمضان ۳۲۸

عدد : ۱۶

محل اداره :
استانبول : بایزید
چادر جیلده
اخطار مخصوص :
عالم اسلام و اسلامیت
عائد مقالات و آثار
مع المعتبریہ درج
اوله جقدر .

نسخه سی ۴۰ باره

«بحر سیاهک بی طرفانی»

طنین رفیعترک یازدینی بر مناسبتله روسکی اصلووا
بافیکزن نه دیور :

«ایزوولسکی جنابلرینک سبستی سایه سنده بوکون
روسیه نیک یقین شرقده کی نامی و شهرتی اوقدر دوشمش .
درکه بویله برحاله ۱۸۵۶ تاریخده کی پارس معاہدہ سندن
وقریم بحاربه سندن صوکره بیلہ اوغراما شدی .

ترکیه صولک کونلرده آلمانیا و آوستریا قوجاغنه آلمهغه
بالقاندہ روسیه و بالقان حکوماتی عاہدہ نصل حرکتہ
بولدینغی اثبات ایتکده در . هرته قدر آلمانیا ، آوستریا
ورومانیا حکومتلریله عثمانلی ایمپراطورلغنک عسکری براتفاق
عقد ایلدیکی شمدی یه قدر رسماً تأید ایتدیکندن حتی پاشا
قاپنه می بر درجه یه قدر روسیه ایله دوستانه یشامتی ایستہ مش
کی کورونمکه چالیشور سنده ترکیه نیک امور اداره سنی الینه
آلان فرقه اعضاسی ونیم رسمی استنبول مطبوعاتنک
آلدینی طور تمامیلہ روسیه پولیتیکسنه مخالفدر .

شرق اصول تربیه سنک تمثال مجسمی اولان واسکی
زمانارده سفرامزی یدی قولده چوروتن سیاستنک
حالا تعقیب اولنغی ایستہ نیلدیکی کنج ترکارک مروج
افکاری اولان طنین غزته سنک بحر سیاهک بی طرفانی
وروس فیلوسنک بحر بالطفہ چیقارلمی حقندہ یازدینی
مقالہ دن پک واضح صورتده آکلاشایور . بویله بر مقاله نیک
طنین کی اہمیتی اولان بر غزته ده کورلمی بزی جواب
ویرمکه مجبور ایتزدی . فقط طنینک دوشونلہ دن یازلمش
بومقالہ سندن نمون قالان استفادہ یه فرصت بیلن آلمان
و آوستریا مطبوعاتنک آوروپا یه بومسئله یی اعظام ایتلری
بزی برقچ سوز سویلکه اجبار ایتشد . خصوصاً آلمان
آوستریا مطبوعاتی مذکور مطالعہ لریله بزه کیمک دوست ،
کیمک دوشمن اولدینغی پک اعلا طامتشدر .

کنج ترکار ، بزه بردها بحر سیاهہ عودت ایتمہ مک
و بحر سیاه دستکارلارندہ سفان حربیہ انشایلہ مہمک الحاصل
۱۸۵۶ - ۱۸۷۱ تاریخنه قدر اولدینغی کی بحر سیاهہ
یالکیز عثمانلی هالانک موج ایتمی شرطلریله قرہ دکر
و چناق قلعه بوغازلری آچوب بحر سیاه فیلومزی

بحر بالطفہ یاخود اقصای شرق دکرلرینہ چیتارما مزنہ مسا
عدہ بیورہ جقارنی تبشیر ایدیورلر . بوکا مقابل ترکیه
حکومتی بحر سیاهہ تماماً بی طرفانی محافظہ ایدہ جکئی
واورایہ آوروپا دولترندن هیچ برینک فیلوسنی بر اقیه جغنی
و کندیمی ده کیرمہ جکئی تأمین و بناء علیہ بوصورتله کنج
ترکار بزه بحر سیاه و چناق قلعه بوغازلریله یکی حیات بولمہ
باشالایان عثمانلی فیلوسنک هیثی سایه سنده کمال امن و استراحتله
یشاممزی توصیه ایدرک بونک ده بین الملل بر معاہدہ نامہ
ایله تأییدی تکلیف ایایورلر .

الحاصل «طنین» ک پروغرامی موجبہ روسیه
بحر سیاهہ بین الملل معاہدہ لر موجبہ موجودیتی تأمین
اولوغش بلجیقا و اسویجرہ دولتری کی بر موقعدہ بولو
تمایلدر . لکن اسویجرہ و بلجیقا حکومتلرینک شمدیکی حال
سیاسیاری آنارہ ایستہ دکلری قدر عسکر یتشدیرمہ یه
قلعه لر بنا ایتمہ یه مساعددر ؛ حالبوکه کنج ترک غزته سی
روسیه یی بو حقوق دنده محروم ایتک ایستیرک روسیه یی
کندی سواحلی محافظہ و بی طرفانی حمایہ حتندن ده اوزار
قلاشدیرمق هوسندہ بولونیور . صالح مسلح زمانی اولان
عصر مزنہ معاہدہ لر یالکیز وعد صادق ایله مربوط اولد
یغندن بونلرہ کووہ نہ بیامک پک کوچدر . زمانمزدہ
بویله معاہدہ لرہ یالکیز صلح وقتندہ یعنی او یله بر معاہدہ یه
احتیاج حس اولونمیدینی زماندہ رعایت اولونیور حرب وقتندہ
ایسہ هر بر دولت مقتدر ایسہ او یله بر معاہدہ یه مخالف
حرکت ایدر و یالکیز معاہدہ یی بوزامایانلرہ رعایت اید .
ایدیورز «دیرلر» .

دول معظمہ و ترکیه طرفندن ممضی ۱۸۶۱ معاہدہ
نامہ سی ایله چناق قلعه و قرہ دکر بوغازلری ، ترکیه دن
باشقہ هر بر دولتکده حرب کمیلری ایچون قالدینغی حالده
قریم بحاربه سی اشناسندہ انکیز فرائمز قوای بحریه و بریه
سنک دخوانی منع ایتمہ مشدر .

ترکیه طرفندن بحر سیاهہ قوہ حربیہ مزی بترمک
حقندہ کی بوتکلیغیکده منافع خصوصیه مستند اولدینغی
هیچ کیمسه ادعا ایدمہ ، ترکار هر وقت تاریخ بحیرہ لرندہ کی
یالیزی یازیلر ایله یازلمش هیبتلی دوتلاری نی تحیل ایتمکدن و آنی

نکدہ سابق پارلاق صحیفہ لرئی آچق ایستورلر — یعنی —
 ۱۹۰۸ ده وضع اولنان استاتوقوی بوزمی فکرنده درلر .
 حقیقتاً بوکون کنج زکیا سیاسلرینک غیرت واجتهادلرینه
 ششامتی . آنلرک آردی صره توالی ایدن موفقیت لرینه
 تعجب ایتمک ممکن دکلدلر . باب عالی الیوم کرید پارلمانینه
 اسلام اعضالرینی قبول ایستوردی . یونان مجلس ملیسنه
 انخاب اولنان کریدلیرلی جزیره نکده اداره سندن ال چکدیردی .
 یودفده آرتق رفعت باشا ، کریدده کی یونان ضابطانینک
 تبعیدینی مصرانه دول حایه من طلب ایدیور دول حایه منک
 بوکاده راضی اوله جقاری آچق کورونیور . بوموفقیت لری
 ایله کندیسنده برشجاعت کورن ترکیه خارجیه نظری
 کرید محکمهلری ایله پوسته پولارینک یونانستان ایله علاقه لرینی
 کسمک و کرید پوسته پولارینک یونان پولاری طرزنده
 اولمینی پروتستو ایتمک ایستور . عین وجهله ماکدونیا
 مسئله سنده یواواش استاتوقوی رفع ایتمک فکرنده
 اولان کنج ترکار شمدی آرتق ماکدونیا مسئله سینک ترکیه منک
 کندیسه عائد داخلی بر مسئله اولدیغنی دعوا ایدیورلر .

بحر سیاه ساحلیمزی محافظه دن باشقه ، برده بالقان
 دولتری آراسنده ، بودفقه ترکیه سز ، فیدراسیون تشکیل
 ایتمک ایچون چالشه جق زما نغزده کادی . ترکارک حاکمیت
 مله لرینه مقابل بالقان خرسیتیان اقوامینک برلشمه سینه
 چالشمی یز .

عالم سیاست دورانی ایله بوکونه برلشمه لر فرض محال
 عد اولنان دونکی « اکسارخیست » بلغارلر ایله ، پاز
 یارخیست » روملرک کوندن کونه تاریخی عداوتلری
 اونوتدق یقیندن دوستلاشمه یه چالشدقاری وبلغار
 اکسارخینک روم بطریق ایله کلیسار وتعلیم مسئله لرنده
 بر فکرنده اولدینی کورولمکده در . ترکیه ده بلغارلرک روملر
 ایله دوستلاشمه لرلی البته بلغار چارلنی ایله یونان قرالغنی
 بربرینه یقینلاشدیره جقدر . بالقان دولتری آراسنده رسماً
 بر فیده راسیونک وجود بولمسی ایچون البته ده ها چوق
 وقتلرک کچمسی لازمدلر . لکن رسمی بر اتحاد رهبر
 اولاجق اتحاد افکارک ترقیسی ایچون چالشمق وقتی آرتق
 کلدلر . بویله بر فرصتدن استفاده ایتمک عفو اولوغز

احیا فکرندن واز کچمه مشلردلر . ناصل اولمده
 بر فیلو وجوده کتیره ییلورلر سه روسیه ایله بر اختلاف
 ظهورنده معاهده یه مخالف اولمیه یله قوه بحریه لرینی صحنه
 حربیه سورمه جکلرینی تأمین ایتمه لر بیله ایستانلرده
 کولمه منک ممکن اولدیغنی کی ترکیه سفن حربیه سنی قره
 دکتره چیقارمزسه عقلمزلق ایتمش اولاجغنی ده شمدیدن
 یز سولرلز . بحر سیاه بوجوله ترکیه تحت حایه سنده یی طرف
 اولور سه بحر سیاه ترکیه منک بر کولی حالته کیره رک ترکیه
 اوراده حکم سورده جکلر . یزم فیلومزسه اییواو دن آطه لر
 دکترینه اوچ هفته ده کله بیاسه بیله بوغارلر ترکیه
 اداره سنده بولوندیقه قره دکتره هیچ کچمه یه جکلر .

یوندن قرق سنه مقدم قوت قورچاقوف پارس معاهده
 نامه سینک ایکنجی ماده سنده کی بحر سیاه کی طرفانی ماده سینی
 نه قدر غیرتار صرف ایدره ک لغو ایستیره شدی . آوروپا
 دول اربعمسی نك قوتی ایله الجزدن آلتان بوحق مشروعمزی
 شمدی ده کنج ترکارک محبت لرینه قربان ایتمش . لکن
 ناصل اولیورده کنج تورکارک رومانی وبلغاریا بحریه لرینی ده
 بیطرف لغه دعوت ایستورلر ، آکلاشیلدیغنه کوره ترکیه
 فیلوسنه نسبتاً پک جزئی اولان یقین وقتده بیومک احتمالی
 اولدیغندن بولاردن او قدر قورقوبلور اوللی .

طین ده بویله خیال (فانتازی) نوتندن اولان
 شیارک باز بایلمسی روسیه منک حقوقی مشروعمینی تصدیق
 ایتمکدن باشقه ، روس ملت جسیمه سینک حیثیتی ده قاله
 آتامقده اولور . بویله مناسبتسز تکلیف لره قارشی بالکنز
 معظم بر دولنک شانه لایق بر جواب ویریه بیلر .

یز شمدی ممکن اولدیغنی قدر چابوققده شامزده موافق
 بر قوه بحریه انشا ایدره ک عصرلردن بری تجسم ایتمن
 وظیفه منی اجراه وساحلیمزی محافظه یه چالشمی یز .
 بوزم ایچون کنج تورکارک عیندن ده ها مهمدر .
 ترکیه تحت ریاستنده و غیر رسمی روسیه تحت نفوذنده
 بالقان فیدراسیون وجوده کتیره منک کی رؤیالردن آرتق
 آریمالی . ترکارک ازوولسکی نك اشاره نه کندیلکلرندن
 تبعیت ایتمزلر .

کنج ترکارک شمدی خارجی ششمه لر آرابورلر . ترکیه

بقصور و لاجتدر. رومانی و ترکیه آراستہ عقد اولونہ سی
متصور اولان انفق دن مقدم بلایریدہ ممکن مرتبہ چاپوقہ
کندیسنہ رفیق بولی و بونک ایچوندہ یونان قرالغنی انتخاب
ایچلی در»

عجبا هانکیسی طوغرو ؟

حضرت عثمان (ر . ع) افندیملک خط دستیہ
بازابلوب حین شہادتندہ تلاوت ایتدیکی « ربکمفکرهم اللہ

دھر السمع العلیم » قول جلیلی اوزرینہ بردامہ خون
مبارکری طامالایان مصحف شریفک سمرقند روسار
طرفندن استیلا وضبط اولندیقی وقت سمرقند رجالندن
بریمی طرفندن جنرال اسقوبہلغہ ایکی یوز روبلہ جک بر
پارہ مقابلہ صائیلدیقی قدیمدبری روسیہ اسلاملری بینندہ
دوران ایتکدہ و سمرقندلیلرک بویلہ قیمتدار شیئک قدر
و قیمتنی بیلیمدکاری ایچون صولکدرجہ تکدیر اولمقدہ ایدیلر .
حتی بو مصحف شریفک پترسبورغ کتبخانہ مایسندہ
مخفوظ ایدیکی خبرشائع اولدقدنصرک پترسبورغہ اوغرایان
اسلامارہ بونی زیارت ایتک بر وظیفہ دینیہ صرمدسنہ کچدی
ایدی .

فقط بو مصحف شریف فاتح کتبخانہ سندہ محفوظ بولم .
یفنی محترم طین غزتمسک ۷۴۵ نجی نسخہ سندہ کوردک
عجبا هانکیسی طوغری ؟
رفیقملک قارئلریندن حسین و صاف بک نامندہ بری
شو صورتدہ معلومات ویربور :

« دون فاتح کتبخانہ سنہ کیش ایدم ؛ مقصد عاجزانم
اورادہ بولنان ایکی مصحف شریفی زیارتدن عبارت ایدی .
معلومدرکہ بو ایکی مصحف شریفدن بری (حضرت عثمان
رضی اہ عنہ) دیگر ایسہ (حضرت علی کرم اہ وجہ
ورضی اہ عنہ) افندیملک خط دست عالیبریدر و جیلان
دریسی اوزینہ خط کوفی ایلہ یازلمشدر ؛ حضرت عثمان
افندیملک نائل رتبہ شہادت اولدقلری ائادہ تلاوت اوزندہ
بولندیقی مصحف شریفدہ دم مبارککاری نشانہ سی بیلہ الآن
وجوددر .

هنوز شرف زیارتہ مظهر اولمازدن اول تحیلاتم

فرانسیسہ لوور موزہ سندہ حافظ عثمان مرحومک
مصحف شریفی کموش رحلہ اوستندہ اولدیقی خالدہ صنعت
مخصوصہ سی اعتباریلہ محیرالعقول اولہ جتی بدرجہ اعمال
اولمش برمحفظ و مخصوص برجامکان درونندہ وضع موقع
تشیہر قلنمش اولدیغنی البتہ کوردیکز . شمدی حضرت
عثمان و حضرت علی افندیملرک یازدقلری مصحف شریفلرہ
قارشونہ قدر قدر نشانہ حرکت ایتدیکنزی مقایسہ بویوریکز .
معارف نظارتی اکر بونلر ایچون صرفی ایجاب ایدن
پارہنی ویرہ بیلیمکدہ اظهار بحج ایدیورسہ ملت اسلامیه
لازم کان فداکارلنی اجرادن چکنمز . ایش شوراسندہ درکہ
بوعجزنی اعلان ایتسون .

اوروبادن کان اجانبدن برچوخی بوایکی مصحف شریفی
کورمک ایچون کتبخانہ یہ قدر کلپورلر ایمش و انلری او
خالدہ کورر کورمژ تأسفلرینی اظهاردن چکنمدرکاری ندہ
سویلایلر .

سلطان محمود خان اول حضرتلرک بو کتبخانہ دہ بر
تختاری واردر . قیمت مادیه و تاریخیہ سی اعتباریلہ موزہ
هایوندہ تشہرہ سزادر . بوکا دخی باقلماش ، برقسیمی